

Guaraní - Mbovy'a Ñandejára Ñe'ẽ - Comfort Scriptures

2 Corintios 1:2-4 Tupã ñande Ru ha Ñandejára Jesucristo tohekuavo ipytyvõ ha ipy'a guapy pende ári. 3 Tojererohory Tupã, Ñandejára Jesucristo Ru, ha'e niko ñande poriahurereko ha ñane mbovy'a mantéva. 4 Ha'e ñane mbovy'a opa ñande rembiosa asýpe, ikatu haguã avei ñambovy'a umi ohasa asývape, ñame'ẽvo chupe kuéra upe vy'a ha'e ome'ẽva ñandéve.

Proverbios 15:13 Ipy'a roryva, hováre ohechauka, ipy'a rasýva katu tĩndyhápe oiko.

1 Reyes 8:66 Ára hápe omondo umi tetã guápe. Oguerohory joa hikuái mburuvicha guasúpe ha oho jey hekoha kuérape vy'a pópe ha py'a rory reheve hetaite mba'e porã rehe Ñandejára ojapo vaekue hembiguái David ha hetãgua Israel rehe.

1 Crónicas 16:10 Héra marangatu pembotuicha. Ñandejára rehe ojeroviáva tovy'a.

Proverbios 12:25 Jepy'apy na ñane mbovy'ái, ñe'ẽ porã katu ñane mokyre'ỹ.

Proverbios 13:12 Mba'e oñeha'arõ aréva ogueru ñembyasy, mba'e jahupytýva katu ñande py'a ombohory.

Isaías 30:26 Ñandejára oipohano ha ojokuáta umi hetãgua oikutu vaekuépe. Upérõ jasy ohesapéta kuarahýicha ha kuarahy ohesapéta kuarahýicha.

Oseas 13:8 Óso kuñáicha imemby kuéra oñemonda vaekue chugui, aséta chupe kuéra, ambo'i ha aipehe'ãmbáta chupe kuéra. Leóncha upépe voi amokõta chupe kuéra. Tymba ñarõicha amyangu'ipáta.

1 Samuel 1:8,10 Iména Elcaná katu he'i chupe: "Anína ne rasẽ Ana! Mba'ére piko reñembyasy ha nderekaruséi? Che ko aime ndéve 10 ne memby rekovia!" 10 Ana hasẽ soro ha ipy'a renyhẽ ñembyasýgui. Oñemoĩ oñembo'e Tupãme,

Salmos 25:16,17 Ñandejára, emaña che rehe ha che poriahurereko, cheño niko aiko ha ndavy'ái. 17 Che py'apy emboveví, ha che renohẽ jejopy vaígui.

Salmos 34:19 Ñandejára oñemboja umi ohasa asývare ha oguenohẽ umi ikangypávape jejopy vaígui.

Salmos 38:9 Che kangy, che kane'õ, che py'a rugua guive che pyahẽ.

Salmos 55:5 Tuky-tuky che py'a, oike che akãme amanotamaha.

Salmos 61:3,4 Mombry ete guive niko rohenói, che py'áko ikangypáma.

Yvaténa che moĩ anítei ivaíva ojehe chéve. 4 Nde niko upe che mo'ãhávami, óga yvate imbaretéva che rayhu'ỹva renondépe.

Salmos 62:9 Ñande, Tupã retã guáva, jajerovia hese opa ára. Ñamombe'u chupe ñande angata. Ha'e niko ñane mo'ãhára.

Salmos 73:26 Jepevénte ikangy che akã ha che rete, Tupã upe che py'a omombaretéva, ha hesénte voi aikotevẽ.

Salmos 77:3,4 Añembyasy jave Tupãme ahenói, pyharekue che po amopu'ã manté, ha ndajuhúi pytu'u. 4 Tupã rehe che mandu'a ha che ãho, ajepy'a mongeta ha che kangypa.

Salmos 86:11 Há Tupã, ehechauka chéve nde rape ikatu haguã aiko nde reipotaháicha. Che mbopy'a peteĩ nde réra amomba'e haguã.

Salmos 109:22 Che mboriahu niko ha aiko asy, añandu che py'a karãiva.

Salmos 112:7,8 Ha'e ndokyhyjéi oñehenduka ramo guarã chupe ivaíva, ha'e ojerovia mbarete Ñandejára rehe. 8 Ndaipy'a mokõiri ha mba'evégui ndokyhyjéi, ha oikuaa porã umi hese ija'e'ỹva oñehunditaha.

Salmos 143:4 Name'ẽ véima niko ha py'a tarovápe aiko.

Salmos 147:3 Ipy'a rasýva ha'e omonguera ha umi ho'o ojejoka hague rupi ha'e ojokuapa.

Proverbios 14:30 Py'a guapy ñande rete omohesãi, mba'e pota rei katu ñande kanguére okaru.

Eclesiastés 1:13 ha ajeity ahesa'ỹijo ha aikuaaha'ã arandúpe, opaite mba'e ojejapóva ko arapýpe. Eguatána ehecha pe mba'e pohyiete Tupã omoĩva yvypórape omoĩindy haguã!

Eclesiastés 2:10 Ajaposéva ajapómi, nambotovéiva araka'eve oimehaichagua vy'a. Avy'a che py'aite guive opa che rembiapóre ha upe vy'a upéva che repyme'ẽ.

Eclesiastés 2:22,23 Ipahápe, mba'e piko yvypóra oguenohẽ pe hetaite omba'apógui ha hetaite ojepy'apýgui ko arapýpe? 23 Oikove aja pukukue oiko asy, ipohýi chupe tekove; pyhare jepe ndopytu'úi iñapytu'ũ. Ha upéva avei tavy reko poru rei!

Eclesiastés 11:10 Eipe'a nde jehegui jepy'apy ha mba'embyasy, iporãve ramo jepe mitãrusu rekove, tavy reko poru reínte avei.

Isaías 30:29 Peẽme guarã katu oĩta purahéi, arete marangatu pyharépe ramo guáicha. Pende py'a roryta, umi uguata vaicha turu púpe ojupívo yvyty marangatúpe, Israel mo'ãhára oĩháme.

Isaías 57:15 Pe yvatetegua opa ára oikovéva ha hérava marangatúva, he'i péicha: "Che rekoha marangatu oĩ ijyvatehápe ha aiko avei imboriahu ha ojepy'apýva ndive, amokyre'ỹ ha ambovy'a haguã chupe.

Isaías 65:14 Ha'e kuéra vy'a pópe opurahéita, py'a rorygui henyhêta, peẽ katu pesapukái ha pejahe'óta ñembyasy ha vy'a'ỹgui.

Isaías 66:13,14 Peteĩ sy omokunu'ũháicha imembýpe, che pomokunu'ũta, ha pevy'a jeýta Jerusalénpe." 14 Pehechávo ko'ã mba'e pende py'a roryta, pende rete kapi'ícha hoky pyahúta. Ñandejára oikuaaukáta ipokatu hembiguái kuérape, ha ipochy rendy, hese ija'e'ỹvape.

Jeremías 15:16 Nde reñe'ẽ ramo chéve, akarúva ne ñe'ẽre, umíva che mbovy'a ha che mbopy'a roryva, che niko hína ne mba'e, Tupã che Jára nde pu'akapáva.

Jeremías 24:7 Amyakã porãta chupe kuéra oikuaa haguã cheha opa mba'e Jára. Ha'e kuérata che retãgua ha che ha'éta itupã ojevýtagui che renda gotyo ipy'aite guive.

Juan 14:1 Ani pejepy'apy. Pejerovia Tupãre ha pejerovia avei che rehe.

Juan 14:27 Py'a guapy aheja peẽme. Py'a guapy che arekóva ame'ẽ peẽme, ha name'ẽi oimeraẽva ome'ẽháicha. Ani pekyhyje térã pejepy'apy.

Juan 16:6 Upéva rangue, ha'e haguére peẽme ko'ã mba'e peñembyasy.

Juan 16:22 Péicha avei peẽ, ko'ágã pehasa asy peína. Ágã che aju jey vove pohechávo katu, pene renyhêta vy'águi ha avave ndaikatu mo'ã oiipe'a pende hegui upéva.

Hechos 2:46 Opa ára oñembyatými Tupaópe ha hóga kuéra rupi oiipehe'ã mbuja ha ho'u oñondive torypápe ha py'a porãme.

Romanos 9:2 ajepy'apy manterei ha che py'ápe areko peteĩ ñembyasy opa'ỹva,

2 Corintios 2:4 Ha ahaírõ guare peẽme upe kuatia, ajapo vaekue tuicha jepy'apy ha angekói reheve, che resay che rováre. Upéicha ramo jepe, ndahaíri vaekue pomoñembyasy haguã, pehecha haguãnte mba'eichaite pevépa pohayhu.

Efesios 5:19 Peñe'ẽ vove ojupe peiporu ñe'ẽ oúva Salmo kuéra ha opaichagua purahéi Crístope ojejapo vaekuégui. Ñandejárape pepurahéi ha pemomba'e guasu.

Pastor T. John Franklin
Church of Salvation, Healing, and Deliverance
COS-HAD.org